

柳選四家醫案

江陰柳氏醫學叢書之七

評選環溪草堂醫案三卷

環溪草堂醫案三卷梁溪王旭臯先生所著也先生名泰林字旭臯世爲無錫人嘉道間有以瘍醫馳名江浙者曰高錦亭先生著有外科心得集景岳方歌括等書行世卽旭臯先生之舅氏也高先生歿後先生傳其業其始先以瘍醫行逮後求治者日益多寢及內科無不應手奏效於是遂專以內科行門下士習業者每年以十數計先生讀書上自軒岐下迄國朝諸家無不精心貫串於古

書則研求故訓於後人書則必分別疑似所著有
西溪書屋夜話錄醫方歌括串解及環溪草堂醫
案諸書均未梓行其醫案爲門弟子隨時鈔錄未
經分別去取不免繁複者多余所得見者蓋有五
六本詳略互異因屬及門諸子刪其繁亂重爲鈔
輯最後得王家橋顧君蓮卿本係先生晚年之作
又得方君畊霞新刊本案甚繁富頗有方案足取
而爲他本所未載者一弁補錄簡其精粹分爲三
卷間有未盡之意隨加按語以闡明之閱一年而
竣事先生居錫城去余家不百里余弱冠時猶及

見之吾鄉有疑難證無不求治於先生者先生必沈思渺慮疏方與之厥後或效或否或有無力再往者先生必訪悉之令其再診以竟厥功故其所存方案無不光堅響切無模糊影響之談蓋較近賢之專以靈變取巧者不啻上下牀之別矣先生博極羣書所用諸法如治小兒喘嗽之藥棗從葛可久之白鳳丹化出治上熱下寒之八味丸用紫雪爲衣從喻西昌外廓之論悟出若此之類不勝枚舉是皆因古法而變化出之彼胸無古書者每讀之而猝難領會余於此等處均爲一一指出學

者苟能卽是而得讀書用古之法焉則庶乎不負
先生之苦心也夫光緒二十六年重陽日江陰柳
寶詒謹識

評選環溪草堂醫案上卷

江陰柳氏醫學叢書之七

無錫王泰林旭高著

江陰柳實詒穀孫選評

及門諸子 參校

內傷雜病門

○病將一載。肝氣橫逆而不平。中氣久虛而不振。惟肝逆故胸脘阻塞而攻衝。惟中虛故營衛不和而寒熱。凡大便溏。飲食少。右脈細。左脈弦。是其證也。四君子合逍遙加左金。是其治也。

黨參 冬朮 陳皮 茯苓 歸身 神麴

白芍

柴胡

鹽水炒

香附

鹽水炒

川連

吳黃炒

穀芽

玫瑰花

詒按案語爽朗方亦的當擬再加沉香鬱金

再診

陽虛惡寒陰虛發熱脾虛則便溏而乏力木旺

則腕痞而氣塞前方補中泄木肝氣已平合以益火生

土氣血雙補

黨參

冬朮

菴蓉

鹿角霜

杞子

木香

兔絲子

歸身

白芍

陳皮

茯苓

杜仲

砂仁

玫瑰花

詒按肝氣平後續用培補是一定層次惟既有寒

熱見證似可參用桂枝建中之意以和之。

○三焦相火。挾肝陽而上升。每日侵晨則氣自臍左而
上衝。心胸痞塞。自覺胸中熱。舌興辣。面色紅。過午則氣
漸下降。至夜則安。而火降則下。或遺泄。此皆無形之火
爲患也。推其原始。由乎陰虛。今則相火妄行。蒸鍊胃液
成痰。所以吐痰黏膩。灰黑而咽噎。胃管之間。常覺不流利
也。法當清相火。導虛陽而下歸窟宅。更佐以化痰鎮逆。
病來已久。難期速效。

黃柏鹽水炒一分 桂心三分 砂仁炒三分 蛤殼兩一分 甘草三分

知母鹽水炒一分 川連鹽水炒四分 茯苓錢三 元精石錢三

長流水煎

詒按此方取交濟封髓之法。用意極爲精到。惟病因肝腎不攝。虛陽浮逆。擬再加牡蠣龜板以攝下。旋覆竹茹以清上。似於病情更爲周匝。

○痰之標在肺胃。痰之本在脾腎。腎虛則水泛。脾虛則溼聚。二者均釀痰之本也。經曰。脾惡溼。腎惡燥。脾腎兩虛。法當滋燥兼行。而痰戀肺胃。又宜標本同治。

熟地

茅朮

芝蘇炒

陳皮

川貝

茯苓

半夏

紫苑

詒按案語斟酌病機。切實不泛。用藥亦絲絲入籠。

○用黑地黄法以兩補脾腎合二陳以和胃苑貝以利肺藥品無多而層層都到非有簡鍊工夫不能作此

○凡藏邪惟虛則受之而實則不受惟實者能傳而虛則不傳仲景云肝病實脾治肝邪之盛也內經云肝病緩中治肝體之虛也此證肝氣有餘肝血不足法宜兩顧為得

歸身 白芍 沙苑 杞子 冬朮 茯神

青皮 陳皮 香附 金鈴子 砂仁

詒按議論確鑿非胸中有古書者不能道方亦精

到。方中歸芍杞苑所以養肝血。青陳香鈴所以疏肝氣。藥品看似平常。用意恰已周到。

○腎水不足。君火上炎。相火下熾。心中如燔。舌光如柿。陽事易舉。陰精易泄。擬清君火。以制相火。益腎陰。以制肝陽。所慮酷熱炎蒸。恐藥力無權。將亢陽為害而增劇耳。

川連鹽水炒 黃芩 黃柏 阿膠 生地 甘草

雞子黃

另大黃三錢 研末將雞子一個 破頭納大黃三分 蒸熟每日

服一個

再診 投苦鹹寒堅陰降火以制亢陽心中之燔灼與
舌色之光紅俱減三分之一然上午之身熱如燎者未
退幸納食頗增苦寒可進再望轉機爲妙

川黃連 阿膠 生地 元精石 黃芩 甘草

元參 蛤殼 雞子黃

三診 舌乾紅知飢善納水虧陽亢土燥於中鹹苦堅
陰之劑雖衰其燔亢之勢而未能盡除其焰時當炎暑
溼熱與相火蒸騰擬複入清中固下祛溼之法仍不出
鹹苦之例

洋參 石膏 知母 甘草 麥冬 川連

阿膠 生地 蛤殼 黃柏 猪膽汁丸每朝服三

錢

詒按君相交燔。腎陰被灼。所謂一水不能勝二火。此證是也。僅與壯水。猶難勝任。必得苦以泄之。鹹以制之。而火乃退。更得苦以堅之。鹹以滋之。而陰乃復。

○營陰虛則氣火易升。肝木橫則脾土受侮。腹滿頭暈。肝脾之病。耳鳴喉燥。虛火之愆。陰虛生內熱。腎虛故腰痛。擬補陰潛陽扶土抑木法。

生地

砂仁炒
四兩

茯苓

烘三
兩

山藥

炒三
兩

萸肉

酒炒
三兩

丹皮

酒炒二兩

澤瀉

炒三兩

龜板

炙三兩

沙苑

鹽水炒三兩

黨參

炒三兩

杜仲

鹽水炒三兩

歸身

酒炒三兩

白芍

炒二兩

石決明

煨四兩

右藥為末。煉蜜打和為丸。曬乾。泛上後藥。

香附

三兩

三分

一分

鹽水炒

一分

蜜水炒

陳皮

鹽水炒七錢

沉香

三錢

神麴

一兩

右藥為末。用橘葉湯。泛上前丸為衣。

詒接以補藥為丸。而以和氣之藥末。泛上為衣。與

喻嘉言藥川外廓之意相合。雖無精義可取。而心

思靈巧。可備一格。

○夜涼晝熱。熱在上午。此東垣所謂勞倦傷脾之證也。上午熱屬氣虛。用補中益氣湯。補氣升陽。

補中益氣湯、加神麴、茯苓

詒按論證立方。如開門見山。心目俱朗。

○泄爲脾病。嘔爲胃病。脾胃屬土。居中而司升降。脾宜升不升則泄。胃宜降不降則嘔。土衰則木橫。木橫而土益衰。高年當此。頗慮土敗木賊。古人治肝當先實脾。况茲土弱。尤當先補其中。稍佐平肝可也。

理中湯、加茯苓、橘餅

詒按案語理明詞達。方法切實不浮。但既有嘔惡

見證。則半夏似不可少。擬再加木瓜白芍砂仁。
○有時驚悸。有時肌肉頑木。或一日溏泄數次。或數日
一大便而堅乾。惟小便常紅。此心氣鬱結。脾氣失運。失
運則生溼。鬱結則聚火。火則傷津。溼則阻氣。而氣機不
利矣。擬荆公妙香散加味。以補益心脾。

山藥

洋參

黃耆

茯神

赤苓

桔梗

炙草

遠志

麝香

硃砂

木香

川連

麥冬

右藥爲末。用藿香陳皮湯泛丸。每服三錢。開水送下。
詒按。專主心脾立論。思路精確。

○血不養心則心悸。少寐。胃有寒飲則嘔吐清水。虛火
燥金則咽痛。肝木乘中則腹脹。此時調劑最難。熨貼蓋
補養心血之藥多嫌其滯。清降虛火之藥又恐其滋。欲
除胃寒慮其溫燥劫液。欲平肝木恐其克伐耗氣。今仿
胡洽居士法專治其胃。以胃爲氣血之鄉。土爲萬物之
母。一舉而三善備焉。請試服之。

黨參 冬朮 茯苓 半夏 棗仁 扁豆

陳皮 山藥 秫米

詒按於無可措手中尋出養胃一法自屬扼要之
圖擬再加木瓜白芍以和肝竹茹麥冬以清肺似

更周匝。

○骨格瘦小。先天元氣不足。夏秋寒熱。至今不已。脈細數弱。氣血兩虧。頭不痛。而但身痛。或口沃清水。此胃陽虛憊也。當商溫補。倣東垣法。

黨參

茯苓

陳皮

桂枝

柴胡

黃耆

半夏

神麴

當歸

乾薑

砂仁

詒按。少陽生氣被鬱。故寒熱不已。東垣升陽益胃法。用之恰合。加乾薑者。助胃陽也。

再診。前方補中益胃。溫衛氣。開腠理。諸恙皆減。仍依前法。

前方去神麴乾薑加白朮白芍

○衛氣虛則洒洒惡寒營氣虛則蒸蒸發熱營衛並出中焦總以脾胃為主補脾胃則金有所恃不必治肝而肝自馴矣

黨參 冬朮 當歸 川貝 黃耆 茯苓

白芍 陳皮 玫瑰花

詒按爲虛損證探原立論方亦精到

○營陰內虧頭眩心嘈下午微寒內熱能食無力胃中有熱則消穀脾虛氣弱則無力也

黨參 沙苑 茯苓 川連 棗仁 知母

女貞子 白芍 冬朮 麥冬 竹茹

論按此虛損初萌之候。因脾虛氣弱。未便滋補耳。
○左脈空大。腎水虧也。倦怠無力。脾氣弱也。食少則陰
虛。陰虛生內熱。證屬內傷。

補中益氣湯加黑山梔 白芍

另六味丸每朝服四錢

論按補中益氣補脾氣。六味補腎陰。立法頗切實。
惟左脈空大方中升柴兩味。尚宜斟酌耳。

○思慮傷脾之營。勞碌傷脾之氣。歸脾湯補脾之營也。
補中益氣湯補脾之氣也。今將二方併合服之。

黨參 黃耆 冬朮 茯神 歸身 炙甘草

砂仁 棗仁 升麻 柴胡 木香 半夏

陳皮

詒按。同是脾病。而病原用藥。確有氣營之別。一經指點。便覺頭頭是道。

○腎氣虛逆。非滋不納。脾弱運遲。滋則呆滯。然則如何而可。曰。補腎之陽。卽可以轉運脾氣。從仲景腎氣丸化裁。

熟地 附子三分炒 五味子 茯苓 山藥 肉桂心

麥冬 元米炒 牛膝 鹽水炒 山萸肉 陳皮 紫石英

補骨脂

鹽水炒

胡桃肉

論按補腎卽可以補脾益火以生土也。用腎氣丸
恰合。

○久病之軀。去冬常患火升。交春木旺。肝膽陽升無制。
倏忽寒熱。頭面紅腫。延及四肢。焮熱癢痛。殆卽所謂游
火游風之類歟。匝月以來。腫勢已減。四五日前偶然俱
體傷風。遂增欬嗽音啞。痰多口乾。舌白。續發寒熱。胃氣
從此不醒。元氣愈覺難支。風火交煽。痰濁復甚。陰津消
涸。陽不潛藏。此時清火養陰。計非不善。抑恐滋則礙脾。
化痰扶正。勢所必需。又恐燥則傷液。立法但取其輕靈。

用藥先求其無過

北沙參 知母 鮮生地 蛤殼 海浮石

蟬衣 豆卷 青果 海螵 地栗 百合

另珠粉

朝晨用燕窩湯送下三分

原註右方金匱百合知母地黃湯合本事神效雪羹取其清火化痰不傷脾胃生津養液不礙痰溼酌古參今歸於平正

詒按議病用藥均歸精細躁心人不能領取也

中風門

○兩手關脈皆見一粒厥厥動搖之象此土虛木勝內

風動躍之候也。左半肢體麻木不仁，頭眩面麻，病屬偏枯，慮延仆中。

首烏 當歸 白芍 茯苓 陳皮 秦艽

菊花 天麻 石決明 鈎鈎 刺蒺藜

桑枝

再診 動搖之脈大減，內風有暗熄之機。左手屈伸稍安，左足麻木未和，擬補腎生肝為治本之計。

地黃飲子 地山萸斛菴桂附麥冬薑 去桂附

詒按：未雨綢繆，故易於奏效。兩方用藥，亦能與病

機宛轉相赴。

○體肥多溼性躁多火十年前小產血崩血去則陰虧而火亢肝風暗動筋絡失養已非一日去秋伏暑後變三瘧瘧久營衛偏虛遂致風痰擾絡右半肢體麻痺而為偏廢之象調理漸愈今但右足麻辣熱痛痛自足大指而起顯係肝經血虛失養據云腿膝常冷足脗常熱此非足脗有火而腿膝有寒也想山溼火乘虛下注故痛處覺熱而腿膝氣血不足則覺寒耳至於左脛外廉皮肉之內結核如棉子發作則痛甚此屬筋箭是風痰瘀血交凝入絡而成與右足之熱痛麻辣不同今且先治其右足

生地 阿膠 五茄皮 歸身 木瓜 天麻

冬朮 獨活 絲瓜絡 牛膝 茯苓 藜蘆

論按論頗明透方亦平穩

○年已六旬。腎肝精血衰微。內風痰涎走絡。右偏手足無力。舌強言澁。類中之根萌也。溫補精血。兼化痰涎。翼免偏枯之累。然非易事也。耐心調理為宜。

菴蓉 巴戟 茯神 木瓜 半夏 枸杞 鹽水炒

遠志 甘草湯製 海風簾 茱萸 酒炒 牛膝 杜仲 鹽水炒

論按此與下條均因有類中之萌。作未雨綢繆之計。故用藥力求平穩。不敢喜事以邀功也。

○腎藏精而主骨。肝藏血而主筋。腎肝精血衰微。筋骨自多空隙。淫熱痰涎乘虛入絡。右偏手足無力。舌根牽強。類中之根。溫補精血。宣通經絡。兼化痰涎。守服不懈。加以靜養。庶幾卻病延年。

菴蓉

黨參元米炒 牛膝 半夏 杞子鹽水炒

陳皮

續斷 茯苓 巴戟 桑枝

又丸方

菴蓉

二兩酒煮爛搗入 黨參三兩元米炒 熟地四兩砂仁末陳酒拌蒸爛搗入

麥冬

二兩去心元米炒 棗仁三兩炒研 巴戟三兩鹽水炒 歸身二兩酒炒

草薺

三兩炒 首烏四兩製炒 茯神三兩 牛膝三兩鹽水炒 半夏二兩

天冬

二兩去心
元米炒

陳皮

二兩
五錢杜仲

水炒

虎骨

三兩

菖蒲

一兩
兩杞子

四兩
水炒

右藥各選道地如法製炒其研細末用竹瀝四兩薑汁三兩搗入再將白蜜為丸如黍米大用磁器裝好每朝服五錢開水送下

痿痺門

○先天不足骨髓空虛常以後天滋補栽培脾胃脾胃得補溼熱壅滯形體驟然充壯而舌本牽強兩足痿軟不能行走上盛下虛病屬痿躄經云溼熱不攘大筋軟短小筋弛長軟短為拘弛長為痿是也今擬法補先天

之精氣強筋壯骨以治其下扶後天之脾胃運化淫熱以治其中然必耐心久服確守弗懈庶克獲效倘朝秦而暮楚恐難許收功也

熟地

四錢附子三分煎汁炒

茯苓

三錢半

牛膝

一錢五分鹽水炒

桑枝

一兩

虎脛骨

炙三錢

川斷

二錢酒炒

巴戟

三錢鹽水炒

黃柏

一錢薑汁炒

蒼朮

一錢五分

草薢

二錢鹽水炒

竹瀝

二十匙

薑汁

一匙

另洗方

獨活

三錢

當歸

五錢

紅花

一錢

陳酒糟

二兩

豬後脚骨

二隻

葱白頭

三個

煎湯

日洗一次

詒按此等證本難奏效其立方仍從丹溪虎潛法

加味用藥固未嘗不切當也。

○伏熱留於肺胃。胃熱則消穀易飢。肺熱則蹇痿難行。熱氣薰於胸中。故內熱不已。延今半載。節屆春分。天氣暴熱。病加不寐。據述先前舌苔黃黑。今則舌心乾紅。其陰更傷。仿仲景意。用甘寒法。

生地三錢 知母一錢五分 茯神三錢 棗仁一錢五分 麥冬二錢

滑石三錢 夜合花五分 沙參三錢 百合一兩 泉水煎服

詒按金匱百合病篇。有以百合配知母地黃滑石等法。此方即用其意。

再診 經云肺熱葉焦。則生痿躄。前方清心肺而退熱。

已能起牀步履。但夜不安寐。是腎氣不交於心。陰虛陽亢故也。清金麗水。取坎填離為治。

生地 天冬 麥冬 棗仁 山藥 元參

沙參 洋參 百合

另虎潛丸三錢

詒按經云。肺熱葉焦。則生痿躄。又云。治痿必取陽明。經訓昭然。守此二語。治法不外是矣。

三診 陰虛未復。夜寐未安。熱退不清。仍宜養陰。自云腹中微微撐痛。此屬中虛。治當補益脾陰。兼清心肺之

熱。

生地 沙參 洋參 山藥 麥冬 棗仁
薏米 茯神 甘草 白芍 赤芍 百合

另歸脾丸

○冷雨淋背於先。竭力鼓棹於後。勞碌入房。挾雜於中。病起身熱。欬嗽至今四十餘日。痰氣腥臭。飲食能進。臥牀不起。形肉消脫。是肺先受邪。而復傷其陰也。經云。陰虛者陽必湊之。肺熱葉焦。則生痿躄。又云。一損損於肺。皮聚毛落。至骨痿不能起牀者死。合經旨而互參之。分明棘手重證矣。

沙參 紫苑 茯苓 地骨皮 川貝 玉竹

薏仁

另入仙長壽丸四錢

再診 肺為水源。百脈朝宗於肺。猶眾水朝宗於海也。肺熱葉焦。則津液不能灌輸於經脈。而為痿躄。卧牀不能行動。形肉消削。欬嗽痰臭。舌紅無苔。脈細而數。是皆津液消耗。燥火內灼之象。考經論治痿。獨取陽明者。以陽明主潤宗筋。胃為氣血之源耳。今擬生胃津以供於肺。仿西昌喻氏意。

沙參 阿膠 杏仁 甘草 元參 火麻仁

天冬 麥冬 玉竹 茯苓 桑葉 枇杷葉

詒按議病立方。內經痿論之旨。

三診 投清燥救肺法。病情稍安。仍宗前制。

桑葉 杏仁 麥冬 川貝 百合 元精石

阿膠 沙參 元參 枇杷葉 野菱白根

○長齋甘載。精血久枯。大雨淋身。溼侵入骨。腿股痿重。不能舉動。法以宣通關節。佐以養血生津。

麻黃 蒼朮 白芷 當歸 川芎 白芍

防風 熟地 桂枝 獨活 牛膝 桑枝

詒按。此從陽和湯增減。因係溼邪。故加蒼朮。

○風寒溼三氣。伏留於骨。骨節痠痛。自冬而起。所謂骨

痺也。骨痺不已，內舍於腎，則發熱淹纏，卽成勞損。

秦艽 杜仲 五茄皮 生地 地骨皮

當歸 續斷 牛膝 葶藶 茯苓

詒按：邪鬱化熱，則傷及陰血，故易入損。○方內再

加丹皮、桂枝，更覺周到。

○寒溼之氣，從外而入於內，遍體歷節疼痛，而又胸滿嘔痰。經云：從外之內者，治其外。又云：胃為藏府之長，束筋骨，利機關，皆胃氣之流行。然則外通經絡，內和胃氣，便是治法之綱領矣。

川附 茯苓 南星 半夏 陳皮 木瓜

竹瀝 薑汁

論按骨節痛與嘔痰自是兩途之病。用藥兩面照顧亦爲合法。案中以胃氣一層牽合筋節。雖似有理。而實非內經本旨。○方中木瓜竹瀝是筋絡藥。擬再加桂枝秦艽獨活桑枝牛膝。

內風門

○病起肝風。繼增痰飲吐酸。所以口目筋掣而胸膈不利也。近因暑熱上蒸。咽喉碎癢。暫投涼劑。喉患雖減。而胸脘愈覺撐脹。夫肝風之動。由於陰血之虛。痰飲之生。又係胃陽之弱。病涉兩岐。法難並用。今且宣化胃溼以

祛痰稍佐平肝降逆之品

半夏 茯苓 陳皮 旋覆花 麥冬 杏仁

川貝 鬱金 丹皮 黑山梔 竹茹 薤仁

詒按此等兩礙之病最難用藥須看其周到熨帖處○方中旋鬱貝杏是兼參胸痺治法

○肝爲風藏而主筋心爲火藏而主脈心包絡與三焦相爲表裏俱藏相火心包主裏三焦統領一身之絡此病起於病後心中餽熱胸前跳躍繼而氣攻背脊如火之灼或大或小或長或短皆在經絡脊脈之中良由病後絡脈空虛相火內風走竄入絡非清不足以熄火非

鎮不足以定風。然而絡脈空虛。使非堵截其空隙之處。又恐風火去而復入。故清火熄風填竅三法。必相須爲用也。第此證實屬罕見。醫者意也。以意會之可耳。倣仲景法。

羚羊角 寒水石 滑石 紫石英 龍骨

石決明 生石膏 磁石 赤石脂 牡蠣

大黃 甘草 各三錢

右藥研末。每服一錢。一日三服。用大生地一兩。百合一兩。煎湯調服。

詒按。金匱中風門。有侯氏黑散風引湯二方。其用

意以填竅為主。喻西昌論之詳矣。讀者取喻氏之論觀之。卽識此方之意。

○先嘔數日。嘔止而發痙厥。日三五次。此乃肝逆犯胃。聚液成痰。內風煽動。陽氣偏張。痰亦從之爲患。擬清熄風陽。兼和其胃。

羚羊角 鈎鈎 半夏 陳皮 茯苓

石決明 山梔 菊花 元參 竹茹

再診 痙厥日數發。口噤不能言。而心中了了。病不在心而在肝。夫心爲君主。肝爲將軍。當氣逆火升風動之際。一如將在外。君命有所不受。君主雖明。安能遽禁其

強暴哉。况胃為心之子。胃家之痰。與肝家之風火互結。黨援相助為虐。今舌紅碎痛。一派炎炎之勢。漸迫心君。故欲化胃家之痰。必先清泄肝家之風火。而安鎮靈臺。使心君無震撼之虞。尤為要着。

羚羊角 鮮生地 犀角 茯神 山梔 元參

石決明 天竺黃 鈎鈎 棗仁川連炒 竹瀝薑汁冲

金箔

詒按議論明快。立方熨帖。○擬去犀角加川連。更為親切。

○久患肝風眩運。復感秋風成瘧。瘧愈之後。週身筋脈

環溪醫案 卷上 內風 六 惜餘小舍

蹇躓甚則發厥。此乃血虛不能涵木。筋脈失養。虛風走絡。痰涎凝聚所致。擬養血熄風。化痰通絡。

製首烏 紫石英 白蒺藜 半夏 茯神

羚羊角 石決明 煨天麻 棗仁 洋參

陳皮 竹瀝 薑汁

詒按歸芍似不可少

○五藏六府之精氣。皆上注於目。目之系上屬於腦。後出於項。故凡風邪中於項。入於腦者。多令目系急而邪視。或頸項強急也。此證始由口目牽引。乃外風引動內風。內風多從火出。其原實由於水虧。水虧則木旺。木旺

則風生。至於口唇乾燥赤碎。名飭唇風。亦肝風胃火之所成也。治當清火熄風。養陰爲法。

大生地 丹皮 沙參 鈎鈎 桑葉 羚羊角

石決明 白芍 芝蔴 蔗皮 梨皮 元參心

川石斛

○肝苦急。急食甘以緩之。

生甘草 一斤 紅棗 一斤 煑爛去皮核與甘草打和爲丸

每服三錢開水送下

原註此人並無表證。又不內熱。一日數十瘕。服此

二料卽愈。

詒按前兩方是風火致瘕者通治之方。後一方雖依經用藥。但平實無靈機。如此重病而服之。竟效奇哉。

神志門

○上年夏季。痰火迷心。神呆語亂。治之而愈。至今復發。脈浮小弱。舌心紅而苔薄白。語言錯亂。哭笑不常。憑脈而論。似屬心風。蓋由風入心經。蘊熱蒸痰所致。用本事獨活湯法。

獨活

防風

黃芩

山梔

元參

石菖蒲

膽星

茯苓

橘紅

甘草

竹葉

鮮生地

詒按論證確鑿。此為學有本源。查許學士獨活湯原方。僅有獨活防風茯苓三味。相同。此蓋用其意而不襲其成方也。

○情志鬱勃。心肝受病。神思不安。時狂時靜。時疑時怯。心邪傳肺。則心悸不寐而欬嗽。肝邪傳膽。則目定而振慄。其實皆鬱火為患也。擬清心安神壯膽為主。平肝和脾佐之。

川連 茯神 菖蒲 龍骨 遠志 北沙參

棗仁 膽星 川貝 鐵落 石決明

猪膽

一個用川芎五分研
納入以綫紮好入煎

珍海醫集 卷一
三
詒按清心化痰涼肝鎮怯立方周到熨帖尤妙在
川芎一味入猪膽內可以疎木鬱壯膽氣開後人
無數法門也

○寡居十載愁惕苦心牙齦山血有時若癩其病已久
茲一月前猝遭驚恐遂神糊語亂口吐紫血腹脹不食
兩脈模糊難以捉摸此乃驚動肝陽神魂擾亂血隨氣
逆是卽薄厥之屬今兩足常冷陽升於上急以介類潛
陽重以鎮怯冀其厥止再商

川連

吳黃炒

牡蠣

阿膠

茯神

棗仁

石決明

羚羊角

龍骨

茜草炭

紫石英

代赭石

白芍 金箔

詒按病深且久。病氣內涉於藏。實難取效。但就病論治。隨證用藥。已能處處熨帖。自屬可存。

再診 風陽稍熄。神志未安。仍從前法增損。

川連吳黃 石決明 牡蠣 茯神 龍骨 遠志

羚羊角 紫石英 阿膠 棗仁 白芍 橘紅

石菖蒲 金箔

另硃砂安神丸

○肝風胃溼。凝聚成痰。每逢勞碌。則氣逆而痰湧。驟然昏迷。少頃復醒。醒後數日無力。此屬癩類。其原總由水

虧不能涵木所致。煎方無效。宜用丸藥。

生地 茯神 山藥 丹皮 棗仁 茯苓

萸肉 澤瀉 磁石

右藥爲末。煉蜜搥作小丸。將後藥泛上。

半夏 南星製 陳皮 青黛 蛤殼 鬱金

石決明 沉香 琥珀

右藥爲末。泛上前丸爲衣。曬乾。每服五錢。淡鹽花湯送下。

詒按作丸之法。頗極精妙。

○肝火痰涎。內蒙心竅。外竄經絡。時發癩證。

洋參製三兩 天竺黃一兩 明礬一兩 首烏製四兩 茯神製三兩

半夏一兩 川貝二兩 附子五錢 雄精五錢 辰砂五錢 南星製一兩

石決明煨四兩 川鬱金一兩 陳皮鹽水炒 丹皮炒各二兩

右藥為末用金箔濂珠血珀玳瑁獺肝羚羊角另研

細末用鈎鈎三兩煎濃湯冲入竹瀝一杯薑汁一杓

將上藥末泛丸每早服二錢橘紅湯送下

詒按前方兼顧水虛此方專治痰火見證不同固

各有所當也

痰火門

○心境沉悶意願不遂近因患瘧多飲燒酒酒酣之後

環溪醫案 卷上 痰火 惜餘小舍

如醉如狂。語言妄亂。及今二日。診脈小弦滑沉。舌苔薄白。小水短赤。大便不通。渴欲飲冷。昏昏默默。不知病之所的。因思瘧必有痰。酒能助火。痰火內擾。神明不安。此少陽陽明同病。而連及厥陰也。少陽爲進出之樞。陽明爲藏邪之藪。今邪併陽明。瀰漫心包。故發狂而又昏昏默默也。仿仲景柴胡加龍牡湯主之。

柴胡 黃芩 半夏 茯苓 龍骨 甘草

牡蠣 鉛丹 菖蒲 大黃 竹瀝 薑汁

詒按病之來原去路。一一指出。藥亦的當。

○寐中常坐起。而不自知。日間靜則瞋睡。此濁痰迷閉。

清陽。陽氣鬱而不宣也。

膽星 川貝 茯苓 陳皮 枳實 半夏

黨參 遠志 菖蒲

再診 體肥多溼之人。溼熱蒸痰。阻塞肺胃。喉中氣粗。呼吸如喘。卧寐之中。常欲坐起。仍然鼾睡。而不自知。所以起坐之故。蓋痰阻氣鬱。蒙閉清陽。陽氣鬱極。則欲伸。故寐中欲坐起也。病屬痰與火為患。茲擬煎方。開其肺痺。另用丸藥。化其痰火。痰火一退。清陽得伸。病自愈矣。

射干 橘紅 冬瓜子 杏仁 桔梗 象貝

竹瀝 薑汁 葶藶子 蘇子 枇杷葉

另黑丑

取頭末三錢

萊菔子

炒三錢

檳榔

炒三錢

大黃

酒炒三錢

研末蜜丸作十二粒每午後一丸臨卧一丸噙化

下

詒按審病既得其真論用藥自然入殼○丸方中

加入菖蒲膽星鬱金東丹等以開鬱墜痰較似得

力

○膽虛則神自怯氣鬱則痰自凝於是咽喉若塞氣短

似喘偶值煩勞夜寐多魘無形之氣與有形之痰互相

為患遂至清淨無為之府與虛靈不昧之神均失其窟

謚之常欲安其神必化其痰欲壯其膽必舒其氣故清

之化之。和之益之。必相須爲用也。

沙參 棗仁川連炒 半夏 膽星 遠志 茯神

神麴 石菖蒲 橘紅 金箔 竹瀝 薑汁

另膽星三錢 琥珀一錢 金箔五張 黑白丑取頭末各一錢五分

右藥另研和一處共爲細末每服三分橘紅湯送下。

又方 黨參薑汁炒 半夏 膽星 茯神 遠志

棗仁 川貝 橘紅 蛤殼 神麴 竹瀝

薑汁

痰飲門

○痰飲阻於胸中。欬而短氣。心悸。用四君補氣。二陳化

珠海醫學卷一
痰。桂枝通陽。欵冬止欵。加減成方。仍不越苓桂朮甘之制。若舍仲景而別求良法。是猶廢規矩而爲方員也。詎可得哉。

桂枝 茯苓 白朮 甘草 半夏 陳皮

黨參 欵冬花

詒按方論俱平正通達。可以取法。

再診 用補氣化痰通陽。獨飲欵而短氣俱減。但心仍悸。參以益智。

茯苓 白朮 甘草 黨參 陳皮 半夏
桂木 欵冬花 益智仁 棗仁

○胸中之元陽不足。膈中之火用不宣。痰飲伏於心下。胸前如盤大一塊。常覺板冷。背亦惡寒。三四年來。每交子後。則氣喘。陽氣當至不至。痰飲阻遏。其胸中陽微。陰勝故也。天明則陽氣張。故喘平。至款嗽心悸。易於驚恐。皆陰邪竊踞胸中之病。其常若傷風之狀者。衛外之陽亦虛也。圖治之法。當祛寒飲而逐陰邪。尤必斡旋其陽氣。俾如離照當空。而後陰邪盡掃。用仲景苓桂朮甘法。先通胸中之陽。再議。

茯苓

細辛一分 泡
湯拌浸焙

桂木

冬朮

熟附二分
煎汁拌炒

陳皮

甘草

麻黃一分 泡
湯拌浸焙

炮薑

五味子 五粒 同焙

補骨脂

鹽水 炒焦

黨參

薑汁炒

半夏

紫石英

胡桃肉

蠅螺殼

詒按審證清切。方中以辛烈之品煎汁收入甘平藥內。用意頗巧。骨脂、桃肉、參入補腎之意。尤為周到。○此證陽微飲踞。自屬確不可易。惟所吐之痰。是否清稀。抑係乾黃黏厚。案中未經敘明。其常若傷風之狀。衛陽虛者。固有此候。亦有痰濁化熱。蘊於肺中。以致招引外風者。亦多此證。不可不細為之辨。

○欬嗽口不渴。當臍痛而脈細。頭常眩暈。此乃手足太陰二經有寒。飲積滯阻。遏清陽之氣。不能通達。故一月

之中必發寒熱數次。乃鬱極則欲達也。病將四月。元氣漸虛。寒飲仍戀而不化。先以小青龍湯。蠲除寒飲。宣通陽氣。再議。

麻黃 桂枝 白芍 細辛 乾薑 半夏

五味子 甘草

詒按此內飲而兼外寒之方。一月中寒熱數次。或因兼感外邪。則此方的對矣。

○脈沉取之數。其陰內虧。其熱在裏。病延日久。勞損之候。證見欬唾白痰。脘腹時痛。痛則氣滿。得矢氣則稍寬。病由肝鬱而成。據云。欬已三年。初無身熱。是其根。又有

痰飲也。經訓治病必求其根。茲從痰飲氣鬱例治之。

半夏 茯苓 桂木 丹皮 白芍 香附

沈香 神麴 歸身 甘草 冬朮 陳皮

金橘餅

詒按此苓桂朮甘合二陳加歸芍丹皮以養肝。沈

附麴橘以化氣也。立方平穩。疑帖。

○痰飲欬逆。肺腎兩虛。胃滯不化。用苓桂朮甘湯合二

陳治其胃。都氣丸治其肺腎可也。

苓桂朮甘湯合二陳湯 加川貝 杏仁 沈香

另都氣丸每服四錢。淡鹽湯送下。

詒按虛實兼到親切不浮。

○痰飲欬嗽已久其源實由於脾腎兩虧柯氏云脾腎為生痰之原肺胃為吐痰之器也近增氣急不得右卧右卧則欬劇肺亦傷矣血門漏瘍邇來糞後有血脾腎虧矣幸胃納尚可議從肺脾腎三經同治然年已六旬宜自知愛養為要否則慮延損證。

熟地

砂仁炒

五味子

炮薑

半夏

陳皮

茯苓

阿膠

蒲黃炒

款冬花

冬朮

歸身

川貝

原註此金水六君煎合黑地黃丸加阿膠款貝三味直補金土水之虛上能化痰下能止血其中雖

有炮薑勿嫌其温蓋有五味以攝之也。

詒按此等病立方最難安放平穩似此周到熨帖。

自非老手不辦。

○飢飽勞碌傷胃寒痰凝聚氣血稽留阻於胃絡因而胃脘脹痛嘔吐黏痰初起一發即平後來發作愈勤今則殆無虛日飲食從此減少病日益甚胃日益虛倘不加謹恐延脹滿不易圖治。

黨參 炮薑 冬朮 熟附 半夏 良薑

陳皮 茯苓 薏仁

再診 温胃化痰從理中二陳平胃三方化裁。

六君子湯 加川朴 熟附 炮薑 蒼朮

三診 寒積中焦。胃陽不佈。痰飲竊踞。爲痛爲脹。爲吐爲噦。法當溫運中陽。但病根已深。必耐心久服。乃效。

黨參 炮薑 半夏 茯苓 陳皮 川椒

熟附 蔻仁 白朮

四診 中虛非補不運。寒飲非溫不化。益火生土。通陽獨飲。苓桂朮甘湯主之。附子理中湯亦主之。

黨參 桂木 炮薑 半夏 茯苓 熟附

冬朮 陳皮 蔻仁

五診 病有常經。方有定法。藥已見效。無事更張。袁詩

云莫嫌海角天涯遠。但肯搖鞭有到時。

附子理中湯合二陳湯 加桂木 老薑

詒按前後五方。看病的確。用藥的當。案語亦親切。簡老於此道中。自推老手。

須知門

○樨齡形瘦色黃。痰多食少。晝日微欬。夜寐則喉中啞。吼有聲。病已半載。而性畏服藥。此脾虛而溼熱蒸痰。以阻於肺也。商用藥棗法。

人參

三錢

蒼朮

土炒一分

茯苓

三錢

川樸

薑汁炒一錢

梔子

三錢

炙草

一錢

陳皮

鹽水炒一錢

川貝

三錢

宋製半夏

三錢

冬朮

三錢

右藥各研末和一處再研聽用好大棗一百枚去核將上藥末納入棗中以綫紮好每棗一枚大約納入藥末二分爲准再用甜葶一兩河水兩大椀同棗煮俟棗軟熟不可大爛將棗取出曬乾每飢時將棗細嚼嚥下一枚一日可用五六枚餘下棗湯去葶磨再煎濃至一茶杯分三次先溫服俟棗乾然後食棗原註此平胃六君湯加川貝樞子製法極好以治脾虛溼熱蒸痰阻肺喉中痰多者極妙此法從葛可久白鳳膏化出頗有巧思此病服之遂愈

詒按靈心巧想可法可師

○肺爲貯痰之器。脾爲生痰之源。肺虛則痰不易化。脾虛則溼不能運。痰上逆而喘欬。溼下注而足腫。腫之與喘。無非氣失升降而乏運行之權也。今擬脾肺同治。冀痰溼運行乃吉。

黨參 葶藶 杏仁 澤瀉 大腹皮 半夏

赤苓 陳皮 通草 冬瓜子 枇杷葉 棗

詒按論病用藥。俱能得其要領。

○年過花甲。腎氣必虧。即使善自調攝。亦不過少病耳。及至既病。則各隨其見證而施治焉。今欬嗽氣升。食少倦意。證形在於肺脾。自宜從肺脾求治。然氣之所以升。

者。卽腎水虛而不能藏納肺氣也。食葷油則大便溇者。卽腎陽虛而不能蒸運脾土也。然則補腎尤爲喫緊。雖不治脾肺而脾肺得陰矣。

黨參 五味 山藥 紫石英 補骨脂 芡肉

胡桃肉 茯苓

身金匱腎氣丸

三錢

論按立論頗能探入深處。用藥亦親切不浮。

○氣上逆而欬甚。舌心紅而邊白。此陰虛痰滯下虛上盛之候也。病已月餘。消痰恐劫其陰。養陰恐增其濁。擬以降氣化痰少佐益陰爲法。

蘇子降氣湯去桂

另都氣丸

五錢

論按立方切當

○病將一載。咳嗽內熱。行動喘促。少腹牽痛。此腎氣虛而不納也。仿都氣法。

生地 萸肉 茯苓 丹皮 山藥 五味子

澤瀉 麥冬 川貝 沉香

論按立方精當

再診 壯水生金補子益母

前方 加黨參 胡桃肉

○多年欬喘。逢寒遇勞。輒發汗多。氣升肺傷。及腎腎氣虛而不納矣。法當補腎以納氣。

熟地 懷牛膝 北沙參 半夏 陳皮 茯苓

麥冬 五味子 紫石英 蛤殼 沉香

再診 寒入肺底。久而化熱。同一痰喘。先後不同也。初病在肺。久必及腎。同一欬逆。虛實不同也。補腎以納氣。清肺以化痰。須兩層兼顧。爲穩。

北沙參 五味子 麥冬 川貝 杏仁 蛤殼

懷牛膝 地骨皮 熟地 梨皮 枇杷葉

詒按前方用藥切當。此方案語圓融。

○痰飲欬喘。腕中脹滿。時或微痛。雖脾腎肺三經同病。而法當責重乎脾。以脾得運而氣化通。則痰飲有行動之機也。

乾薑

五味子同研炙

半夏

陳皮

茯苓

補骨脂

北沙參

元米炒

杏仁

川朴

澤瀉

胡桃肉

再診。痰飲停於心下。上則喘欬。下則腕脹。多由清陽失曠。痰濁內阻。轉胸中之陽以安肺。運脾中之陽以和胃。欬喘與脹滿當鬆。

瓜蒌皮

枳實

乾薑

川朴

半夏

陳皮

薤白頭

茯苓

澤瀉

論按此證欬脹兩證並重故治法亦脾肺兼顧
○痰飲久留於肺胃或欬或喘或脘脹皆痰氣之爲病
也化胃中之痰宜苓半化肺經之痰宜橘貝從此擴充
以立方

二陳湯合苓桂朮甘湯 加川貝 杏仁 蛤殼
紫苑

論按此病因有脘脹而無腎虛見證故始終以運
脾化痰之法

○欬嗽痰多氣急其標在肺其本在腎歷年既久自淺
及深自肺及腎法當治其本矣

熟地 懷山藥 懷牛膝 半夏 陳皮 茯苓

蛤殼 五味子 紫石英 沙苑 胡桃肉

再診 補腎納氣水不泛而痰自化培土運溼溼不停而痰可降矣

懷牛膝 懷山藥 半夏 陳皮 茯苓 熟地

紫石英 銀杏肉 杞子 五味子 胡桃肉

詒按兩方案語清簡用藥切實○方中再加於朮於培土較似有力

○腎司納氣而開竅於二陰此病每因勞碌之餘必先頻轉矢氣而後氣升上逆短促如喘飲食二便如常其

病在少陰之樞宜補而納之。

六味地黃丸合生脈散 加青鉛

詒按腎爲作強之官過於勞動則收攝無力故見此證與尋常喘促又是一種認證既確立方亦切實不庸○擬再加砂仁胡桃肉

○暑風從背俞而內薄於肺溼熱從胃脈而上熏於肺外內合邪其氣併於胸中氣不得通因而上逆氣升作欬舌苔薄白口膩不渴治屬飲家

冬瓜子 半夏 茯苓 射干 通草

馬兜鈴 枳殼 杏仁 橘紅 枇杷葉

詒按此方輕靈可喜擬再加滑石薏仁既有暑風內薄宜再參用疎泄之品

○閱病原知繇痰飲久留脾肺腎三藏交傷下則腎虛不能納氣中則脾虛不能運氣上則肺傷不能降氣繇是欬喘不得臥肢腫腹臃神氣疲憊虛亦甚矣治上無益當治中下

熟地 懷牛膝 茯神 五味子 胡桃肉

沙苑 懷山藥 蛤殼 紫石英 補骨脂

麥冬

另黑錫丹每朝鹽花湯送下一錢

詒按病候已造極深之域。用藥如此。亦背城借一之計。

○喘哮氣急。原由寒入肺俞。痰凝胃絡而起。久發不已。肺虛必及於腎。胃虛必累於脾。脾爲生痰之源。肺爲貯痰之器。痰戀不化。氣機阻滯。一觸風寒。喘卽舉發。治之之法。在上治肺胃。在下治脾腎。發時治上。平時治下。此一定章程。若欲除根。必須頻年累月。服藥不斷。倘一暴十寒。終無濟於事也。

發時服方 欵冬花 桑白皮 紫苑 蘇子

沉香 茯苓 杏仁 橘紅 製半夏 黃芩

平時服方 五味子 紫石英 煨陳皮 半夏

茯苓 薏仁 蛤殼 胡桃肉 杜仲 熟地

論按論病則源流俱到。層折畢清。用藥亦周到。發帖絕不浮泛。洵非老手。不能到此地位。

再診 喘哮頻發。脈形細數。身常惡寒。下焦陰虛。中焦痰盛。上焦肺弱。肺弱故畏寒。陰虛故脈數。喘之頻發。痰之盛也。有所感觸。病遂發焉。病有三層。治有三法。層層護衛。法法兼到。終年常服。庶幾見效。否則恐無益也。

發時服方 桂枝 欵冬花 蜜橘紅 鹽水

杏仁霜 萊菔子 桑白皮

蜜炙

生晒 乾 炙 炒

右藥共研末。用枇杷葉十片去毛煎湯。再用竹瀝半
茶杯薑汁一酒杯相和一處。將上藥末泛丸。發喘時
每至卧時服此丸二錢。薏仁橘紅湯送下。

平時服方 熟地炒 砂仁炒 丹皮鹽水炒 山萸肉酒炒

茯苓 牛膝鹽水炒 澤瀉鹽水炒 肉桂 山藥炒

五味子鹽水炒 磁石

右藥爲末。用煉白蜜搗和。撚作小丸。丸須光亮。俟半
乾。再用製半夏三兩。陳皮二兩。炙甘草一兩。研極細
末。泛爲衣。每朝服二錢。發時亦可服。

○心欬之狀。欬則心痛。喉中介介如梗狀。甚則咽腫喉

痺。蓋因風溫襲肺。引動心包之火上逆。故治法仍宜宣散肺經風邪。參入甯心緩火之品。仲景方法。畧示其端。但語焉未詳。後人不能細審耳。

前胡 杏仁 象貝母 桔梗 射干 麥冬

遠志 甘草湯製 沙參 小麥一兩煎湯代水

詒按心欬屬心火刑金之病。宜畧加竹葉元參等清心之品乃合。○小麥湯代水頗有巧思。

○煩勞罷極則傷肝。肝傷則氣逆而上迫為脇痛。為欬嗽。秦氏所謂先脇痛而後欬者。肝傷肺也。治法不在肺而在肝。夏令將臨。恐有失血之虞。

旋覆花 桃仁炭 杏仁 川貝 蘇子

冬瓜子 黑山梔 丹皮 鬱金 薏仁

枇杷葉

詒按。審證清切。立方諦當。愚意再加歸鬚桑白皮

白芍。

○五藏皆有欬。總不離乎肺。肺為嬌藏。不耐邪侵。感寒則欬。受熱則欬。初起微有寒熱。必挾表邪。邪戀肺虛。脈形空大。前方降氣化痰。保肺滌飲。俱無少效。據云得汗。則身體輕快。想由肺氣雖虛。留邪未淨。補虛而兼化邪。亦一法也。用錢氏法。

牛蒡子

元米炒

馬兜鈴

杏仁

阿膠

蛤粉炒

蘇子

桑白皮

款冬花

炙甘草

茯苓

枇杷葉

桑葉

詒按此肺虛受邪。虛實兼顧之法。

○脈虛軟而似數。內傷虛弱矣。疑夫邪之所湊。其氣必虛。虛處受邪。其病則實。欬嗽雖由外感。而實則因於氣虛。以為風寒固不可。以為虛損亦未必可。玉竹飲子主之。

玉竹

杏仁

蘇子

桑白皮

款冬花

象貝

橘紅

沙參

元米炒

旋覆花

枇杷葉

詒按將虛實二字說得大通四關。○此玉竹飲子
加減潤肺疎邪虛實兼到。

○寒嗽交冬則發兼患頸項強急。

熟地

六錢麻黃一錢煎汁浸炒

茯苓

三錢細辛五分煎汁浸炒

胡桃肉

四錢

五味子

八分乾薑一錢同炒

陳皮

二錢鹽半煎

半夏

一錢五分

川貝

三錢

款冬花

三錢薏仁四錢

杏仁霜

三錢歸身酒炒

黨參

三錢木炒

右藥爲末煉蜜爲丸每晨開水送下三錢。

詒按此陰虛而挾痰飲者故用藥如此再增桂枝

一味則頸項強急亦在治中矣。

○陰虛而兼痰瀰致爲欬嗽用金水六君煎。

半夏 陳皮 茯苓 炙草 當歸 川貝

杏仁 紫苑 熟地 砂仁拌炒鬆後入罍煎一兩沸

原註做飲子煎法濁藥清投取其益陰而不膩滯

痰濁也

詒按陰虛而挾溼痰最難用藥此亦無法中之一法

○欬嗽四年曾經失血今已音啞脈形細弱真陰元氣皆虧勞損根深藥難見效猶幸胃氣尚可大便未澹姑擬甘潤養陰希圖苟安而已

北沙參 麥冬 杏仁 川貝 玉竹 扁豆

生甘草 茯苓 橘餅 枇杷葉

再診 欬嗽止而失血音啞津液枯槁勞損成矣脈形
細弱精氣兩虧內經於鍼藥所不及者調以甘藥金匱
遵之而用黃耆建中湯急建其中氣俾得飲食增而津
液旺冀其精血漸充復其真陰之不足蓋捨此別無良
法也

黃耆 秋石水炒 白芍 桂炒 北沙參 生炙 甘草 玉竹

麥冬 川貝 茯苓 橘餅

詒按此與前方看似無聊應酬之作其實精到熨
帖所謂舍此無良法也

○痰飲欬嗽飽則安飢則欬乃胃虛也。

黃耆 甘草 冬朮 陳皮 白芍 玉竹

茯苓 杏仁 桔梗

詒按再加黨參薏仁何如。

○欬嗽月餘痰腥帶血氣升喘逆脈絃滑數風溫久戀化火蒸痰灼金耗液證屬肺癰非輕候也。

冬瓜子 淡芩 薏仁 紫苑 川貝 桑皮

甜杏仁 蘇梗 沙參 蘆根共

附錄張氏醫通云薏仁根搗汁頓熱服之下咽臭痰即解有蟲者蟲即死出薏仁為肺癰專藥然性

燥氣滯服之未免上壅不及根汁之立能下奪已
潰未潰皆可挽回陳芥菜汁溫服灌吐最妙一方
用薄荷濃煎稍入白蜜已潰未潰皆效

再診 欬熱痰腥帶血脈形絃硬面色暗晦肺氣失降
木火上逆防加喘急

羚羊角 鮮生地 川貝 甜杏仁 蛤殼

石決明 桑白皮 紫苑 枇杷葉 蘆興

○欬吐臭痰如膿血此屬肺癰舌苔濁厚痰濁膠黏做
仲景法

葶藶子 冬瓜子 桃仁 桔梗 桑皮

瓜萸仁 旋覆花 蘇子 川貝 蘆根

詒按此治肺癰初潰之主方。

又按肺癰之病皆因邪痰阻於肺絡久蘊生熱蒸化成膿故其證初起病在此葉者不及彼葉初用疎痰散邪瀉熱可冀其不成膿也繼用通絡托膿是不得散而托之使速潰也再用排膿泄熱解毒是既潰而用清泄使毒熱速化而外出也終用清養補肺是清化餘熱而使其生肌收口也凡此皆肺癰治法之一定層次也乃有一種外感欬嗽其初起並非肺癰祇因濁痰蘊熱阻結於肺復為外

涼所束。或爲油膩所黏。附竅隧。濁熱蒸悶。蘊結不解。致吐痰臭穢。胸膈隱痛。甚則失音。氣促蒸熱。喘汗。病情與肺癰無異。其初終治法。亦與肺癰相同。但肺癰多實證。而此則每涉於虛。最易流入損途。其難治較甚於肺癰。或以其虛而漫指爲肺痿。其實與前人所論癰痿。均不相合。茲特表而出之。俾學者不至淆惑焉。

○肺花瘡。乃肺虛火炎。金受其戕。音啞。欬喘。勞損之根。不易見效。

北沙參

元參

桑皮

杏仁

川貝

欬冬花

失血門

○脈數血不止。胃氣大虛。胸中痞塞。大便常澇。是痞爲虛病。數爲虛數。欬血三月。今忽衝溢。唇白面青。斷非實火。大凡實火吐血。宜清宜降。虛火吐血。宜補宜和。古人謂見痰休治痰。見血休治血。血久不止。宜以胃藥收功。今擬一方。援引此例。未知有當高明否。

人參 扁豆 川貝 茯神 藕汁 京墨

詒按。此方於扶胃藥中。參以止血之意。固屬正治。惟唇白面青。既見虛寒。確據似宜於此方中。參入炮薑等溫攝之品。以歛浮陽而止血也。

再診 脈數退血少止藥病相當頗得小效而反惡寒汗出者蓋血脫則氣無所依氣屬陽主外衛虛則不固故惡寒而汗出最怕喘呃暴脫措手莫及猶幸胸痞已寬稍能容納仿血脫益氣之例經曰陽生陰長是之謂耳

人參 扁豆 五味子 炙甘草 炮薑

山藥炒 鮮藕汁

詒按此與前方同意以惡寒故加炮薑

三診 血脫益氣昔賢成法今血雖大止而神氣益憊唇白面青怕其虛脫欲牢根蒂更進一籌

人參

扁豆

炒

五味子

熟地

炒仁

附子

水炒

麥冬

冬朮

炮薑

陳皮

伏龍肝湯代水

詒按伏龍肝未審何意。○此方大意亦與第一方

相似。漸參溫補之意。以防其虛脫故耳。

四診

肝腎之氣從下泛上。青黑之色滿於面部。陰陽

離散。交子丑時防脫。勉擬鎮攝。希冀萬一。

人參

熟地

五味子

麥冬

茯神

坎炁

肉桂

紫石英

青鉛

詒按此方急於固脫。故用藥如是。

五診

血止三日。而痰吐如污泥。且臭。是胃氣大傷。肺

氣敗壞而成肺痿。痿者萎也。如草木之萎而不振。終屬勞損沉疴。極難醫治。外臺引用炙甘草湯。取其益氣生津。以救肺之枯萎。後人遵用其方。恆去薑桂之辛熱。此證面青不渴。正宜溫以扶陽。但大便溏薄。除去麻仁之滑潤可耳。

人參 炙甘草 麥冬 阿膠 生地 炮薑

肉桂 五味子 紫石英

詒按痰如污泥。是必血液敗腐。日久而然。並非肺痿。惟所用炙甘草湯。養血滋液。尙與病情不背。愚意加入薏仁丹皮。略倣內癰治例。似乎稍合。

六診 病勢依然仍從前方加減

前方加重炮薑再加製洋參

詒按以後方均是復脈加減

七診 連進炙甘草湯病情大有起色但欬喘則汗出肺氣耗散矣散者收之不宜再兼辛熱當參收斂之品

人參 熟地 沉香末 炙甘草 阿膠 五味子

黃耆 蜜炙 罌粟殼 蜜炙 大棗

○久欬失血精氣互傷連進滋培頗獲小效但血去過多驟難充復從來血證肺腎兩虛者宜冬不宜夏蓋酷暑炎蒸有水涸金消之慮耳今雖炎暑未臨而已交仲

夏宜與生精益氣大滋金水之虛兼扶胃氣則金有所恃且精氣生成於水穀又久病以胃氣爲要也

洋參 麥冬 五味 熟地 生地 黨參

黃耆 山藥 炙草 陳皮 茯神 扁豆

論按層層照顧可謂慮周藥密方中擬再加百合沙參

再診 血止胃稍醒仍以原法爲主

前方加蜜炙粟殼

另用白芨一味爲丸每朝鹽花湯送下三錢

○素患嘔血血止復發現有胸痛時時噁氣舌苔白膩

脈細而遲。此胃中有瘀血。挾痰濁爲患也。

旋覆花 鬱金 杏仁 紫苑 瓜蒌仁

代赭石 茯苓 貝母 枳香 枇杷葉

論按血證中之變例。擬加丹參桃仁。

○血色紫而有塊。此屬肝火乘胃。瘀凝上泛也。仿繆仲
醇法。

鮮生地 大黃醋炒 阿膠蒲黃炒 丹皮炒 黑山梔

蘇子 白芍 扁豆炒 枳香 枇杷葉 藕汁

論按此肝火衝激於血絡所致。最易留瘀致病。故
用藥如此。若再加茜根炭三七似於瘀血一面更

爲着丸

○始由寒飲欬嗽繼而化火動血一二年來血證屢止
屢發而欬嗽不已脈絃形瘦飲邪未去陰血已虧安靜
則欬甚勞動則氣升蓋靜則屬陰飲邪由陰生也動則
屬陽氣升由火動也陰虛痰飲四字顯然擬金水六君
同都氣丸法補腎之陰以納氣化胃之痰以蠲飲飲去
則欬自減氣納則火不升也

生地

海浮石
拌炒

半夏

青鹽
製

麥冬

元米
炒

五味子

炒訶子

紫石英

丹皮炭

牛膝

鹽水
炒

懷山藥

炒

蛤殼

打

茯苓

青鉛

枇杷葉

蜜炙

論按陰虛而兼痰飲用藥最難須看其兩不礙手處

○去秋欬嗽些微帶血已經調治而痊交春吐血甚多欬嗽至今不止更兼寒熱朝輕暮重飲食少納頭汗不休真陰大虧虛陽上亢肺金受燥脾胃傷戕津液日耗元氣日損脈沉細澹口膩而乾虛極成勞難爲力矣姑擬生脈六君子湯保肺清金調元益氣扶過夏令再議

洋參 沙參 麥冬 五味子 扁豆

製半夏 茯神 陳皮 炙甘草

另枇杷葉露 野薔薇露 各一杯沖服

原註生脈散保肺清金六君子去朮嫌其燥加扁
豆培養脾陰土旺自能生金也。不用養陰退熱之
藥。一恐滋則滑腸。一恐涼則妨胃耳。從來久病以
胃氣爲本。經云有胃則生。此其道也。

詒按此平正通達調補方之。久服無弊者。

○欬嗽內傷經絡吐血甚多脈不數身不熱口不渴切
勿見血投涼法當益胃擬理中加味。

黨參

元米炒

扁豆

焦炒

炙甘草

炮薑

歸身炭

血餘炭

丹皮炭

白芍

杏仁

陳粳米

藕節

詒按見識老到立方精卓

○內則陰虛有火外則寒邪深襲失血欬嗽又兼三瘧病已數月瘧來心口痠痛胸腹空豁難通經云陽維為病苦寒熱陰維為病苦心痛此陰陽營衛之偏虛也擬黃耆建中法和中藏之陰陽而調營衛復合生脈保肺之陰復脈保腎之陰通盤打算頭頭是道矣

歸身炭 炙甘草 大生地 砂仁 五味子 鼈甲

黃耆 青蒿 沙參 白芍 桂枝三分 炒 阿膠 麥冬

煨生薑 紅棗

詒按正虛而兼有寒邪故立方如是

○肝胃不和，脘痛嘔酸，兼以酒溼熏蒸於胃，胃為多氣多血之鄉，故吐出瘀血甚多，血止之後，仍脘中作脹，嘔吐酸水，法宜調和肝胃，切戒寒涼。

製半夏 陳皮 茯苓 鬱金 烏藥 延胡

桃仁泥 炮薑炭 香附 雞距子 蘇梗

詒按此與陰虛失血不同，更兼氣阻溼鬱，故用藥如是。

○少陰水虧，陽明火亢，鼻血不止，擬玉女煎合四生飲法。

生地黃 鮮地黃 龜板 石膏 知母 元參

北沙參 懷牛膝 茜草炭 血餘炭 茅根汁

側柏葉汁 鮮荷葉汁 艾葉汁

詒按案方俱精潔不支

虛損門

○失血後欬嗽音啞氣升則欲欬乃腎虛不納也

熟地 阿膠 麥冬 沙參 川貝

紫石英 元參 藕

再診 腎氣稍納。上氣稍平。但欬尙未止。四支無力。眞陰與元氣虛而不復。時當炎暑。暑淫熱三氣交蒸。虛體最易幻變。保養爲上。用景岳保陰煎。

生地 熟地 天冬 麥冬 沙參 玉竹

川貝 五味子 紫石英 阿膠 東白芍

百合煎湯代水

詒按前方用紫石英以鎮納腎氣。此方用百合以清保肺金。此用藥諦當處。學者宜留意焉。

○歷春夏秋三季。血證屢發。診脈虛弱。形容消瘦。年方十七。精未充而早泄。陰失守而火升。異日難名之疾。恐犯褚氏之戒。治當滋水降火。須自保養為要。

生地 阿膠蒲黃炒 麥冬 丹皮炒 山藥炒 茯神

洋參 扁豆炒 茜草根 蓮肉 茅根 鮮藕

詒按案語擷古籍之華方亦清穩。

○先吐血而後欬逆喘急。延及半載。寒熱無序。營衛兩虧。舌色光紅。陰精消涸。不能右卧。爲肺傷。大便不實。爲脾傷。水落石出之時。難免致劇。

北沙參 茯苓 扁豆 玉竹 五味子

金石斛 川貝 百合 麥冬 功勞葉

詒按上兩案均屬陰損已成之候。調治不易奏效。而此證大便不實。難進清滋。較前證更劇。然用藥亦不過如此。少年自愛者。當慎之於早也。

○陽維爲病苦寒熱。陰維爲病苦心痛。陽維維於陽。陽

氣弱則腹痛而便溏。陰維維於陰營。陰虛則心痛而舌紅也。脈微形瘦。陰陽並損。損及奇經。當以甘溫。

黃耆 桂枝 當歸 炙甘草 白芍 川貝

陳皮 砂仁 鹿角霜

再診 但寒不熱。便溏脈細。支體面目俱浮。悉屬陽虛見象。惟舌紅無苔。此屬陰傷之候。但口不乾渴。乃君火之色外露。治當引火歸元。

附桂八味丸 加鹿角霜 黨參 冬朮

詒按論病貫串。認證真切。至用藥之淺深輕重。亦覺步步穩實。

○先後天俱不足。痰多鼻血。陰虧陽亢之徵。納少腹疼。本旺土衰之兆。是以年將及冠。猶如幼穉之形。面白無華。具見精神之乏。治先天當求精血之屬。培後天須參穀食之方。久久服之。庶有裨益。若一暴十寒。終無濟也。

六君子湯去半夏 加山藥 扁豆 砂仁

黑芝蔴 蓮肉 陳粳米

右藥爲末。米飲湯調服。或白洋糖湯。棗子湯調服亦可。

又方。精不足者。補之以味。當求精血之屬。治其腎也。

熟地 兔絲子 牛膝 白芍 龜板 杞子

山藥 五味子 當歸 杜仲 丹皮 黃柏

茯苓 鹿角膠 黃肉 天冬 澤瀉

右藥為末，用河車一具，洗淨煑爛，將藥末搗和為丸。

詒按：煎丸兩方，亦尋常調補之法，好在培補先後。

二天選藥精，當一絲不雜。

○左寸關搏指，心川之陽亢；右脈小緊，脾胃之虛寒。是以腹中常痛，而大便不實也。病延四月，身雖微熱，是屬虛陽外越，近增口舌碎痛，亦屬虛火上炎。津液消灼，勞損何疑。今商治法，當以溫中為主，稍佐清上。俾土厚則火斂，金旺則水生。古人有是論，幸勿為世俗拘也。

黨參 於朮 茯苓 甘草 炮薑 五味子

麥冬 燈心

詒按此陰虧而虛火上炎之證也。方以理中合生脈法。溫中清上。兩面都到。所云土厚則火歛。金旺則水生。見理極精。非淺學所能學步。

○北門之籬得守。則陽氣固。坤土之陽得運。則溼濁化。溼濁化則津回。陽氣固則精守。所嫌肌肉盡削。夫肌肉猶城垣也。元氣猶主宰也。城垣傾覆。主宰窮困。是非大補元氣不可。

人參 熟地 萸肉 杞子 杜仲 炙草

歸身 山藥 茯神 於朮 陳皮 麥冬

半夏 茯苓 穀芽 炒

治按案語精切。○此六君合景岳大補元煎之方也。脾腎兩顧用以填補則可。特嫌少靈光耳。

○脾腎兩虛而溼熱又甚。雖腰疼夢泄自汗盜汗而口膩味甜大便溇薄。腎陰虛而不充。脾陽困而不振。進求治法。祇可先運脾陽。

茅朮 炒 乾薑 熟地 山藥 五味 牡蠣

黨參 茯神 棗仁 浮麥 紅棗

治按此黑地黃丸加味。確合脾腎兩補之法。○方

中乾薑宜炮黑用

再診 溫運脾陽補攝腎陰做繆仲醇雙補丸法

茅朮製 炮薑 牡蠣 黨參 茯苓 補骨脂

熟地 杜仲 山藥 首烏製 浮麥 五味子

紅棗

三診 脾陽稍復。腎陰仍弱。節交夏至。陽盛陰衰之候。大劑養陰以迎一陰來復。兼化溼熱以調時令之氣。

熟地 生地 黨參 冬朮 茅朮製 黃柏鹽水炒

茯神 麥冬 五味 牡蠣 龍骨 杜仲

消痰開胃

○脈沉細數。瀉血虛氣鬱。經事之不來。宜也。夫五志鬱。極皆從火化。飢而善食。小水澄。脚如膿。三消之漸。匪伊朝夕。然胸痛吐酸。肝鬱無疑。肝為風藏。鬱甚則生蟲。從風化也。姑擬一方。平中見奇。

川連

一錢 吳黃炒

麥冬

三錢 薑汁炒

蛤殼

五錢

建蘭葉

三錢

鮮棘樹根皮

洗一兩

詒按病屬陰虛火旺。案中生蟲一層。未免蛇足。

再診 服藥後大便之堅且難者。化澁糞而易出。原屬苦泄之功。然脈仍數。瀉究屬血虛而兼鬱熱。鬱熱日甚。藏陰日錄。舌紅而碎。口渴消飲。所由來也。月事不至。血

日乾而火日熾。頭眩目花。帶下。皆陰虛陽亢之見證。補
藏陰爲治本之緩圖。清鬱熱乃救陰之先着。轉輾思維。
寓清泄於通補之中。其或有濟耶。所慮病根深固。未易
奏績耳。

川連 黃芩 黑梔 生地 當歸 阿膠

川芎 白芍 建蘭葉

另大黃廬蟲丸每早晚服五丸

詒按。寓清於補。恰合病機。

三診 諸恙皆減。惟內熱未退。帶下未止。經事未通。仍
以前方增損。

川連 當歸 洋參 白芍 女貞子 茯苓

生地 麥冬 丹參 沙苑

四診 經云二陽之病發心脾不得隱曲女子不月其
傳為風消風消者火盛而生風渴飲而消水也先輩謂
三消為火疾久而不已必發癰疽余屢用涼血清火之
藥職此故也自六七月間足跗生疽之後所患消證又
稍加重其陰愈傷其火愈熾今胸中如燔牙痛齒落陽
明之火為劇考陽明之氣血兩燔者葉氏每用玉女煎
姑做之

鮮生地 石膏 知母 元參 牛膝 川連

大生地 天冬 麥冬 茯苓 甘草 枇杷葉

詒按此亦消渴門中應有之證。不可不知。

○一水不能勝五火。火氣燔灼而成三消。上渴中飢下則溲多。形體消瘦。身常怕熱。穉齡犯此。先天不足故也。

生地 北沙參 知母 花粉 石膏 甘草

麥冬 五味子 牡蠣 茯苓 川連

詒按穉年患此。多在炎暑之時。其證有兼見風痙煩躁者。余嘗以此法。參用涼肝之品。以黃蘗煎湯代水。頗有效驗。

諸症

○血虛而有瘀。氣虛而有滯。血虛則心跳。血瘀則少腹結塊。且多淋帶。氣虛故無力。氣滯故胸脹滿也。補而化之。調而理之。

黨參 川芎 茯神 陳皮 川斷 歸身

香附 白芍 木香 砂仁 玫瑰花

論按補而不滯。暢而不尅。此之謂調理。此等方看似尋常。其實頗費斟酌。

○營虛氣鬱。營虛則內熱。氣鬱則脘脹。法以養營舒鬱。

丹參 香附 川貝 茯苓 歸身 棗仁

陳皮 牛膝 首烏 續斷 砂仁 紅棗

詒按此虛實互治之法

○心胸覺冷。經事數月一來。食入則腹中脹痛。寒痰氣鬱。凝滯不通。當以辛溫宣暢。遵熟料五積意。

半夏 茯苓 桂枝 蒼朮 白芍 川芎 丹參

歸身 川朴 甘草 陳皮 枳殼 良薑

詒按此照五積原方。去麻桔芷。加丹參。用藥極其熨帖。

再診 苦辛溫通之劑。能調經散痞。用之而效。益信古人言不妄發。法不妄立。在用者何如耳。

前方去良薑加菴蔚子 砂仁